

## 五心：

- 一、率爾心
- 二、尋求心
- 三、決定心
- 四、染淨心
- 五、等流心

瑜伽師地論卷第一 彌勒菩薩說 三藏法師玄奘奉 詔譯

本地分中五識身相應地第一

復次雖眼不壞。色現在前。能生作意。

若不正起。所生眼識必不得生。

要眼不壞。色現在前。能生作意。正復現起。

所生眼識。方乃得生。

如眼識生。乃至身識應知亦爾。

復次由眼識生。三心可得。如其次第。謂率爾心。

尋求心。決定心。

初是眼識。二在意識。

決定心後。方有染淨。

此後乃有等流眼識。善不善轉。而彼不由自分別力。

乃至此意不趣餘境。經爾所時。眼意二識。或善或

染相續而轉。

如眼識生。乃至身識。應知亦爾。

業性（善、惡、無記）

成唯識論卷第五

能為此世他世順益故名為善。

人天樂果雖於此世能為順益非於他世。故不名善。

能為此世他世違損。故名不善。

惡趣苦果雖於此世能為違損非於他世。故非不善。

於善不善益損義中不可記別。故名無記。

## 第六意識

### 一、五俱意識（明了意識）

五同緣意識

不同緣意識

### 二、不俱意識（獨頭意識）

獨散意識

定中意識

夢中意識

定中聞聲：

耳識率爾為無記

定中意識為善性

## 成唯識論卷第五

有義六識三性容俱。

率爾等流眼等五識。或多或少容俱起故。

(述) 如眼識緣善色至等流心多念善已後有不善聲境現前。意與耳同緣。雖亦緣色境。而聲境勝。乃至起不善耳識。令彼不善耳識生。前眼識善耳不善未滅。如是等流多念生已。乃至餘無記香等至。乃至意雖同緣。隨境強引起無記鼻識生。即等流多率爾少。或前一眼識久已不斷。雖已起尋求。尋求未了。眼更重觀。意復尋求。尋求未已不起決定。如是或多率爾。後時耳等識生一率爾已。乃至即有等流耳識次而起故。是率爾多念等流少也。容許五識有俱行故。得三性並。

五識與意雖定俱生。而善性等不必同故。…  
故瑜伽說。若遇聲緣從定起者。  
與定相應意識俱轉餘耳識生。  
非唯彼定相應意識能取此聲。  
若不爾者於此音聲不領受故不應出定。  
非取聲時即便出定。領受聲已若有希望後時方出。  
在定耳識率爾聞聲理應非善。  
未轉依者率爾墮心定無記故。  
由此誠證五俱意識非定與五善等性同。  
諸處但言五俱意識亦緣五境不說同性。



(述)如大目連獼猴池側。坐無所有處定。有象哮吼。猿猴戲聲。

即便出定。薩婆多師出已方聞。

六十五等說廣慧聲聞有學。無學無色界心緣三界法。故得無違。

五識不相應心所：

慢、疑、見

十小隨煩惱

四不定（悔、眠、尋、伺）

## 成唯識論卷第六

慢.疑.見：

五識唯三。謂貪瞋癡。無分別故。由稱量等起慢等故。

小隨煩惱：

小十麤猛五識中無。

(述)忿等小十行相麤而且猛。五識望彼即細故不俱。

四不定（悔、眠、尋、伺）：

悔眠唯與第六識俱非五法故。

(述)此二皆由強思加行方能起故。非任運生故。

又說尋伺以名身等義為所緣。

非五識身以名身等義為境故。